

永平府志

卷九封域志疆界
縣志一 卷三十封
域志三 卷三土
封域志三 山川三

地
130.65
157
171
部

永平府志卷十九

封域志一

疆界

形勝

星野

山川

永平府 東西廣四百里 南北袤四百五

十里東

至山海關外紅牆子甯遠州界一百八十里一西至

鐵山坎豐潤縣界一百三十里 南至樂亭縣綠洋

溝海口一百八十里 北至遷安縣桃林口六十里

出口至城根與建昌縣界一百八十里 東南至昌

黎縣赤洋海口一百里 東北至撫甯縣界嶺口關

一百四十里出口至城根與建昌縣界二百五十里

至臨榆縣義院口關一百八十里出口至陽嶺與建

永平府志

卷十九

疆界

昌縣界二百九十里 西南至豐潤縣越支場二百

里 西北至遷安縣喜峯口二百二十里出口至冰

窖與平泉州界二百八十里至龍井關二百四十里

出口至雄山與遵化州界二百六十里 東至奉天

九百七十里 西至京師五百五十里

盧龍縣附郭 東西廣七十里 南北袤八十里 東

至雙望堡接撫甯界三十五里 西至赤峯鋪接遷

安界三十七里 南至劉各莊接灤州界三十里

北至劉家營接遷安界五十里 東南至黑石莊接

昌黎界二十里 西南至康家莊接灤州界二十五

里 東北至燕河營接撫甯界五十里 西北至分水嶺接遷安界二十里

遷安縣在府城西北四十五里 東西廣二百里 南北袤二百九十五里 東至孤莊接盧龍界三十里 西至鹿兒嶺接遵化界一百五十里 南至野雞坨接灤州界三十五里 北至白羊峪邊城六十里 出冷口至絆馬河接建昌界二百二十里 東南至分屬嶺接盧龍界二十里 西北至喜峯口邊城一百八十里 出口至冰窖口接平泉州界二百四十里 出潘家口至門子哨接承德府界二百六十里 西

永平府志

卷十九

疆界

二

南至乾河草接灤州界七十里 東北至劉家營接盧龍界五十里 出桃林口至茨兒山接撫甯界一百八里

撫甯縣在府城東七十五里 東西廣七十五里 南北袤二百二十五里 東至深河堡接臨榆界六十里 西至雙望堡接盧龍界三十五里 南至馬家峪接昌黎界二十五里 北至界嶺口關七十里 出口至城根接建昌界一百三十里 東南至戴家河海口四十里 東北至碼礮嶺接臨榆界六十里 西南至兩家店接昌黎界五十里 西北至燕河營

接盧龍界五十里

昌黎縣在府城東南八十里 東西廣九十里 南北

袤一百二十里 東至段家店接撫甯界二十里

西至樊家莊接灤州界七十里 南至王家樓接樂

亭界七十里 北至張各莊接撫甯界二十里 東

南至團林七里海三十里隔沙坨卽大海 東北至

小林莊接撫甯界二十里 西南至灤河沿接灤州

界七十里 西北至兩家店接撫甯界三十五里

灤州在府城西南四十里 東西廣一百二十里 南

北袤一百七十里 東至灤河接昌黎界五里 西

永平府志

卷十九

疆界

三

至鐵山坎接豐潤界一百二十里 南至大海一百

一十里 北至小橫山營接盧龍界十二里 東南

至汀流河接樂亭界四十五里 西南至開平接豐

潤界九十里 西北至趙各莊接遷安界三十里

東北至偏涼汀接盧龍界五里

樂亭縣在府南迤東一百二十里 東西廣五十五里

南北袤七十五里 東至黃瓜口堡接昌黎界三

十里 西至高各莊接灤州界三十里 南至海四

十五里 北至姚家新莊接昌黎界三十里 東南

至沙崖莊接昌黎界四十里至海岸四十五里 東

北至呼羅坨接昌黎界十三里 西南至新寨艾太
莊接灤州界三十里至海岸四十五里 西北至沙
鋪接灤州界三十里

臨榆縣在府城東一百七十里 東西廣七十里 南
北袤二百三十里 東至關外紅牆接甯遠州界十
里 西至深河接撫甯界六十里 南至海十里
北至義院口關七十里出口至羊山嶺接塔子溝界
一百五十里 東南至海十里 西南至戴家河接
撫甯界七十里 東北至條子邊接蒙古界七十里
西北至碼礮嶺接撫甯界七十里

永平府志

卷十九

疆界

四

形勝

永平府連接邊郡

隋書地理志

負山帶河四塞險固

文獻通考肥

水之西洞山之北赤山之東方山之南四塞險固實

東北之雄邦

地志集略

碣石之依長城之枕護燕薊爲京

師屏翰擁雄關爲遼左咽喉

畿輔通志

盧龍縣平州有盧龍鎮山如龍形

元和郡縣志

負關阻塞襟

漆帶灤陽山首昂於東南桃燕尾蟠於西北

縣志

遷安縣左環分水右據尖山灤水經其南塞垣倚其北

王永命修
縣城記

撫甯縣北密邇邊徼東控扼山海爲遼陽襟喉

彭時新城記

橫山龍抱於東兔峯虎踞於西洋河天塹於南界嶺

雲連於北

縣志

昌黎縣北背碣石南臨滄海左控榆關右帶灤水遼西

之勝地也

王鏊修城池記

灤州灤水龍翔巖山虎踞

州志

灤爲畿輔名郡橫山如游

龍互其北巖山如天馬峙於南溟河由東北曲折而

來襟帶於左別故河乾地厯城西轉南而合流山川

拱抱鍾秀頗多

樂亭縣背繞羣山面臨滄海左望碣石右帶灤河

舊志地

勢原衍胎甲隱窳過卸委折二河夾送俯臨綠洋絕

永平府志

卷十九

形勝

五

島隄洲平疇綠野鄰邑稱美焉

灤州志

負山對海夾以

兩河

縣志

後背羣山前阻大海可謂冀北之神皋燕東

之天府

縣舊志

臨榆縣峭壁洪濤聳匯南北東若甕牖

星野

周禮保章氏以星土辨九州之地所封域皆有分星

以觀妖祥

註星土星所主土也

周禮註析木燕也

周禮疏引春秋緯文耀鉤云冀州屬樞星

周禮總義析木燕之分星幽州之星土也

春秋元命苞尾散爲幽州分爲燕國

春秋說題辭箕尾爲燕

爾雅析木謂之津

註卽漢津也

箕斗之間漢津也

註箕龍尾斗南斗天漢之

津梁疏云天河在箕斗二星之間箕在東方木位斗在北方水位分析水木以箕星爲隔隔河須津梁以渡故謂此次爲析木之津也不言析水而言析木者此次自南而盡北故依此次而名析木也案經典但有析木之津無析木謂之津今定本有謂字因註曰卽漢津也誤矣

史記天官書尾箕幽州

正義云尾箕燕之分野爲幽州

漢書天文志壬燕趙亥燕代燕齊之疆候辰星占虛危漢書地理志燕地尾箕分壑也東有漁陽右北平遼西

遼東西有上谷代郡雁門南得涿郡之易容城范陽

永平府志

卷十九

星野

六

北新城故安涿縣良鄉新昌及勃海之安次皆燕分也樂浪平菟亦宜屬焉自危四度至斗六度謂之析木之次燕之分也

晉書天文志自尾十度至南斗十一度爲析木於辰在

寅燕之分野屬幽州

費直說周易析木起尾九度蔡邕月令章句析木起尾四度

又曰右北平入尾七度遼西入尾十度

隋書地理志

與晉書天文志同

唐書天文志析木爲雲漢末派山河極焉故其分野自北河末派窮北紀之曲東北負海爲析木負海者以其雲漢之陰也 又曰尾箕析木津也初尾七度餘

二千七百五十秒二十一分中箕五度終南斗八度
自渤海九河之北得漢河閒涿郡廣陽及上谷漁陽
右北平遼西遼東樂浪多菟古北燕孤竹無終之國
尾得雲漢之末派龜魚麗焉當九河之下流濱於渤
碣皆北紀之所窮也

宋史天文志北斗七星五曰玉衡爲音主土其分爲燕
第八曰彌星在第七星右不見漢志主幽州 又曰
天市垣東蕃十一星三曰燕 又曰十二國十六星
在牛女南近九坎各分土居列國之象楚南一星曰

燕

陶隱居曰燕一星在楚南

永平府志

卷十九

星野

七

遼史地理志野旅寅爲析木之津

國語解曰野爲星野旅謂躔次寅者辰舍

東方之位

元史歷志太陽黃道尾三度九十七分七十二秒外入
燕析木之次辰在寅

明史天文志尾三度至斗二度析木之次也永平府尾
分灤州尾箕分

淮南鴻烈天文訓亥燕又申戌燕也

星經辰星主幽州

帝王世紀自尾十度至斗七度百三十五分而終曰析
木之次於辰在寅謂之攝提格於律爲應鐘斗建在

亥今燕分野

地理通釋九州十二域或繫之北斗或繫之二十八宿或繫之五星冀主樞此繫之北斗者也析木燕此繫之二十八宿者也辰星主趙代此繫之五星者也
山堂索考尾箕星曰析木宮曰人馬時曰寅州曰幽

大清一統志永平府禹貢冀州之域尾分野

永平府各州縣輿地經緯度

盧龍縣 北極高三十九度五十五分三十秒偏東二度二十八分三十秒

遷安縣 北極高四十度五分五十秒偏東二度十六

永平府志

卷十九 星野

八

分

撫甯縣 北極高三十九度五十五分偏東二度五十分

昌黎縣 北極高三十九度四十五分偏東二度四十分三十秒

灤州 北極高三十九度四十七分三十秒偏東二度十九分

樂亭縣 北極高三十九度二十九分偏東二度二十九分

臨榆縣 闕

以上各數俱見輿地經緯合表凡云偏者俱以京

師爲中線

山川一

平山在府城中以其與南臺山平故名山巔爲提督學政行署自東北迤南爲府治

明許令典平山遊記云男兒志在四方上不能爲國家佐命策勳垂青書白次不能爲一身趨時媒進臘臘升階庸庸碌碌逐隊隨行閒膺任使出關塞閱戎馬歷山川逢夙好十餘年陳人面孔相向欣然若新亦是四方快事平山年友韓繼之與余同師門同在吳令同杯酒嘯詠山水興契最厚一在海之東一見客惟冀余一致邇來繼之偶因二豎元坐齋居絕不經略三韓有犒師之役遺聞曹郎往余以是月廿八

永平府志

卷十九

星野山川一

九

日冒雪昇金其行徐徐臘月六日過榛子鎮晤繼之喜劇息息飯去初十抵關十一移寓陳司馬爾署中午後同爾翔出關十里飲望夫石戎裝躍馬壯哉十二董司理配公至復飲十三大雪不能行燒燭擁鑪飲至半夜十四同配公還十五宿其署十六赴郡伯陳如有酌宿繼之郡居小年齋中其子廣業字子有主之又貽余詩有天涯鷺鷥皆兄弟膝上兒童作主賓之句十七同繼之從弟開西賓管席之遊平園圍依北城西鄰蒙恬井又名扶蘇泉泉甚冽南構一亭於石壁嶙峋中曰平山石隱雪中如嵌玉出城東三里爲驢槽村俗傳爲張果老餵驢處隔淝水臨榆關孔道一樓曰飛布當西戌東圍失守風鶴屢驚人心惶惑繼之日率諸弟子習騎射距賈勇以安集之俾無恐冀露布早捷故云內有墅畦清逸堂枕雲居撫絃室三徑紆婉軒敞高閣一帶陽山盡收曉底卉木繁植兩葡萄高數丈夏月綠陰可蔭數畝尚多曠址經理未竟繼之休沐來次第所構別業止此十八開西拉游侍御公土門莊在北門外里許即李廣土門寨四面皆山庭前突起唐句曰一石高丈許曰土門前一柱循牆而東南面皆松摘唐句曰一望松門前有

永平府志

卷十九

十

馳道夾道有荷一亭曰采蓮稍上又一亭曰隱松出
土門東北里許踏水涉淝爲李確齋方伯萬柳莊莊
臨流亭曰醉流壁有朝鮮使臣柳夢寅排律十六韻
植三松曰三大夫亦以李氏三世爲大夫故西有傑
閣高數十仞曰輕陰閣外多奇松垣外富棗栗今屬
其後諸生李熙字春如卽繼之東林也暮歸東城禮
碧霞元君祠祠松更奇又南數武爲開西梨花莊又
名皆可園園內亭曰醉雪入城登恆足堂爲司農郎
禾豐倉公署登堂南山一帶盡在几席青翠層疊若
拱若屏北平大觀也西詣郡庠謁宣聖觀五松又勝
元君祠平山奇松甚多此更絕恨不能寫之歸耳十
九開西復拉出東門十里盤谷深靚上居後皆石劉
麻二山劉山爲侍御西元公手築調象居居後皆石
壁藤蘿牽望高峻不可登前臥一石如象鼻鼻長欲
動騎象而觀四山凸凹起伏萬變余笑曰若隱此中
縱潢池兵起能深入谷中犯狂象鼻鋒乎北里許爲
響水峪冰堅響絕西二里爲麻山山有石鼓高丈圓
半之端之彭彭有聲曲澗水至淙淙不絕今亦東雪
中山房有侍御公手書經句云松樓待月三更後石
鼓催花二月天近日麻山松又好明年花月共誰憐

時年七十有三年明年化去亦詩識也劉麻名非古其
買山自劉卽劉自麻卽麻山非舊而姓空留余題一
絕云滄海桑田幾變更住山何必以山名天台玉女
知何處祇有空名未識荆二山別開西席之而西子
有攜榼餞余城西二十里夷齊廟乃元時所建據
地清高如其人週遭皆石石最高處有清風臺臺前
繞古松後臨灤河深廣倍他所水北平石爲孤竹君
廟廟前水中又一石隆起非舟不渡有隔水而祭者
廟無守漸圯當事者當圖善後毋令子掩父也二十
一已刻復至榛子鎮繼之繁祉堂堂左右皆煖房與
其仲兄成之炙胡餅列長几呼盧共飲繼之久戒酒
猶侯養攘臂一擲盡興乃止醉臥輒榻有奇溫次日
強別猶遠期繼之旦暮出山重會於三竺兩湖之濱
不知得此勝緣否大抵平山之勝未易覩縷其山自
三河始東至榛子鎮而鎖故繼之王父封侍御公自
九百戶徙居始一傳而贈長洲南宮之捷繼之始由
高尙不仕積功累仁爲鄉祭酒南宮之捷繼之始由
鑽而東二百二十里至關山盡海無涯其水自塞外
入大溪細澗曲折徵泓無所不訖各家園亭藉以

點綴蔽流巨木不減鄧林魚大而肥冬月冰堅漁者
臥冰求之即得松皆可栽獨盛於侍御土門劉麻諸
山諸松皆奇更奇於郡序五株寒威減於關上烈於
長安風氣龐厚不逐纖趨吾不知其他若韓開西爲
繼之從弟與余無生平一見如故子有甫弱冠端凝
善承父志視余如父飲余如與其父飲不必將命榛
鎮次公成之亦別十五年視余如兄見其子居業
修業昭業異姓同胞恍然一家不知孰爲許孰爲韓
也諸子咸執其問旨裁句索和無不心賞噫韓氏先
世之培植如彼其厚也滿門之和氣如彼其蒸也子
弟之美秀如彼其稠也受於天乎受於人乎
受於山川乎此行與殊不淺故呵凍記之

南臺山一名印山在府城南三里左爲陽山右爲孤竹
山南臺中峙形如印上有開元寺郡人遊宴之所寺
中有井下通灤河今湮

鳳頭山城南二里社以之名迤東爲試劍石

永平府志

卷十九

山川一

七

龍王坡城南五里南臺山右上有祠灤水先經其下今
改而西

盤頭山塔盤山城南六里

近陽山城南十五里

雪峯城南十五里有寺

人首山城南十五里礪壘萬片縱橫有章若人累而成
者爲取石者鑿崩畿輔志云在城北四十五里

千頭嶺城南十五里有咀臨青龍河

樂亭張鳳翔千頭嶺詩云石徑一線通日影蔽雲樹
險巖少人行足底河聲怒下視心駭然目眩不敢顧
登頓腳力窮蹣跚頻縮步東北最高峯絕頂懸瀑布
天晴風雨來瀟瀟在雲霧下嶺日已昏野寺鐘聲度

回首晚煙中
峯影青無數

羈隍嶺城南十五里

筆架山城南十五里峯巒秀峭形似筆架

范家峪城南十五里

小嶺城南十五里嶺南屬昌黎

澗子山城南十五里有三跳澗

行虎山城南二十里

一柱峯城南二十里孤石直秀雄立灤河之許

永平府志

卷十九

山川一

七

永平推官長洲尤侗九日同沈旭輪夫子羅芸皋太守王心海總戎登一柱峯再和前韻二首云去去方舟聯騎回登高誰繼大夫才只今歌舞盧龍塞何處江山戲馬臺寒菊一叢隨客老怨鴻萬字背秋來相逢半是東南侶莫惜風前數引杯望斷楞伽水一涯行春橋傍畫船斜笙歌子夜猶燈火士女輕妝雜穀紗絕塞自來饒白髮故人相對只黃花且堪痛飲添悲壯樓堞當風疊鼓笳

孤孤嶺城南二十里

鴿子崖城南二十五里

灰山城南三十里下有龍潭

石花嶺城南三十里

瓦隴山城南三十五里

佛洞山城南三十五里一名窟窿山洞在絕壁下臨灤

河自石龕左折半里轉龕右而出冬暖夏涼爲昌黎

灤州界

十三

余所未見也道光壬寅四月記

7

藥州知州祁之鏐花朝前一日邀同焦笠泉史君牧

張景君顧曉村游壑龍山詩云仲春風日佳簿領得

[illegible]

殊狀琳宮結天半四顧絕依傍峯迴得蘚登躋步懸

崖上攀林目屢眩
憩石膽稍壯何年洞府闢
古佛屹

相向左轉益深邃巨石逆而抗清泉滴乳竇陰溼疑

古壇踣僧然燭導入隘如入巷百步盡黳翳一隙忽

別燐
物如
參不
惠陽
始似
禪孟
窮岳
深空
秘等
密覆
藏盜
雲如
涕調
賈柳
餘州
尋文
蠟幽
天奧
境

風颺舒嘯答遙岑快意雙眼放山靈意可感盡以奇

景貺徒倚神自怡登頓勞乃忘蒼然暮色來斜暉隱

西嶂舟人理棹歸煙波晚溶漾蓬窗一回首峯巒猶

不望只情春風寒音光才馬蕩相其岸花發拏舟更
來訪流連須竟日泛舟聽魚

唱夕景延澄鮮塵襟共滌盪

溧陽史一經詩云灤江清且長
崇巖枕其北上有太古穴璿璣
若層累不知何年鑿斧工役神
鬼居人談最勝游客願隨喜盤
陀峻如削側陲劣容趾嶽峯欲
生雲崩劣入江底懸崖兩石門
天然相對啟蛇行秉燭入黝黑
難極視深或隘巷如仰或覆金
似衣或冒巖腹氣蒸滴石髓出
洞更升巔雲梯隱岌巖其中頗
宏朗會棲讀書士茲境自昔開
我聞蓋如此朋遊多好事相約
窮嵬嶠放舟自偏涼一去十五
里春江行頗放曠眼界俗塵洗
中流洽談諸煎茶試江時見眠
沙鷺驚飛度淺汜層巒如送迎
緣岸去迺邇峯回石磯出繫纜
傍沙背石徑懸半空危垠暗已
圯年衰筋力疲未上氣先餒平
生登陟興口噤不敢多慚無濟
勝具賈勇謝諸子黃門亦倦登
相與話船尾更期載及月上已
看花

永平府志

卷十九

山川一

古

章邱焦友麟詩云平生雅抱浪
遊癖爲訪梅花行萬里竭來邊
州惡風土如睡冬山枯欲死忽
從意外得桃源壑龍之山在尺
咫清明才過好時節逸興遄飛
命傳侶煙霞隱隱招遊人惆悵
盈阻灤水興來便買雪溪棹柳
陰待渡呼舟子野航風送峭帆
穩春水潮生亂流駛艇孤坐如
人聚林浪小紋似縐生紙四圍
山影酒杯落一色天光鏡奩啟
形移步換勞應接路轉溪迴程
迤邐當前途黛色來笑迎驀過
芳林忽背指回頭試望偏涼汀
崔嵬金碧半空倚樹石紛披石
谷王樓臺界畫營耶李前行望
望忽無路一徑彎環傍山趾來
帆疑是出石罅孤嶼突然插波
底隔林峯遠頭露髻絕澗流淙
石漱齒或如刀斧妙剗削或如
堵垣半傾圯蒙巔草樹翳蘭若
不識攀躋何處是羣山北走偶
頓束罷棹扶筇自茲始陂陀曼
行憩復上磴道紆紆盤足頓蹄
旁臨絕壁左礙肘下俯深淵右駭
眙峯腰一轉寺門出頓消恐怖
生歡喜山僧肅客來殷勤貌古
頭童跛能履小停延仁縱遙目
高下幽探翠交綺松柴吹火煮
新茗滴乳泉甘澆雪蕊窮幽探
奧入古洞霽出雲根漏石髓流
泉光景日西甦一杵清鐘催客
起試尋舊徑覓歸棹倒景蒼茫
暮山紫不晦蹟韜光待知已泰
岱雲松匡廬瀑自笑從前歎觀

止君不見赤壁二賦千載豪坡老遊蹤亦復爾又不
見武陵返棹誤漁郎彭澤寓言非信史人生舍近愛
求遠是爲賤目貴兩耳大書斯語質同遊我欲結
茅便居此此中難爲俗者言不用傳聞到城市
樂亭史夢蘭和祁季聞刺史遊空龍山原韻云眾山
如奔驂脫銜走平曠灤江自北來兩峽束秋漲空龍
山最奇橫出扼其吭憶昔歲在丑往遊意頗暢石窟
開蝨房大小各殊狀飛軒亂樹圍古剎危崖傍一徑
引修蛇蜿蜒碧霄上老僧出迎客道我腰腳壯少憩
入洞府幽深迷背向怪石撐齒牙僂僂不敢抗曲似
蟻穿珠玑如狐穴壙天光豁然開騰身出狹巷更上
白雲梯扶搖接蓬閣興盡尋歸路舟中倒杯盞拱手
謝山靈奇觀此云朔醉欲闕詩箋狂思眠酒藏牛羊
忽下陂落日孤帆颺別來三載餘巖花幾開放同人
散如星空將尺素覓低徊溯舊蹤夢寐猶難忘公詩
善寫生紙上具波嶂讀罷心迷惑煙雲遙漾漾想見
政清暇出城恣眺望幕下聚鄒枚滿座光風蕩屈指
近重九好山應再訪霜林夾岸紅絕頂發高唱會當
杖策從煩襟同一盪

永平府志

卷十九

山川一

圭

灤州州判桂林侯煥堯遊空龍山詩云層巒梵宇夕
陽紅石徑斜欹一綫通古洞舊形鏤佛像名山位置
識天工潛魚不動寒潭靜怪鳥驚啼碧嶂
空興盡不愁歸路晚星星漁火點波中
樂亭常守方遊佛洞山詩云共喜離塵網逢山便一
登洞深防虎伏徑仄效猿升酌酒呼樵客烹茶待老
僧故人京洛去

空憶讀書燈

樂亭張山同祁季聞刺史史君牧記室焦笠泉給事
遊空龍山石佛寺詩云東風吹送畫船輕三尺春波
打槳行怪石迎人雲影活寺門臨水佛心清官能息
訟原多暇山果堪游不在名曾是昔年登眺地前塵
如夢尙分明又空龍山詩云石徑斷復通山鳥飛
忽去幽絕無人聲風葉如相語又云直上最高峯天
風塞滿口舉步石牽衣招人雲在手

煙墩山城西南十里

周王山城西南二十里灤水繞之

狼望山城西南三十里

四窰山一名狼窩山城西南二十里有寺聖水源出焉

石崖城西南二十三里

獨子山城西南三十五里會聖安之流及清涼山泉爲

橫河入於灤

門樓山城西南三十五里

龜峪城西南

龍山在府西四十里山勢蜿蜒其形似龍相近者曰赤

峰嶺亦名赤峰山又西有烽火山一名西安山又西

北曰石崖兒連峰數十里北出爲瓦礫諸山皆設險

永平府志

卷十九

山川一

十六

處也

讀史方輿紀要

烽火山城西南五十里一名西安山安河之源也

龍王島城西石梯子下灤河中流舊有龍王祠今廢

赤峯山城西二十五里在洞山之西社以之名前爲鵲鷹

崖

洞山城西十八里古孤竹山也孤竹城在其陰其嶮有

洞下灤水會之或曰卽古卑耳溪崖際鐫月素風清

四字不著姓氏清風臺在其上

舊志云山麓有青蓮寺案讀史方輿紀要

洞山在府西十五里山產鐵有鐵冶在焉地志集略肥水之西洞山之北地稱險固是也

屨屨洞城西十五里